



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Signis Prædestinationis, Et Reprobationis, Et De
Numero Prædestinatorum, Ac Reproborum**

Recupito, Giulio Cesare

Lvgdvni, 1681

Caput I. Explicatur sensus controversiæ. Statuitur utrorumque certum
esse numerum tam materialem, quam formalem.

urn:nbn:de:hbz:466:1-44272



TRACTATVS II.

DE
NUMERO PRÆDESTINATORVM
ET REPROBORUM.

CAPVT PRIMVM.

*Explicatur sensus controversie. Statuitur utrorumque certum
esse numerum tam materialem quam formalem.*

I R C A hoc duplex est controversia. Prima est de certitudine numeri. Altera est de majoritate aut minoritate numeri prædestinatorum, respe-
ctu numeri reproborum.

Circa primum, duplex est numerus, alter nu-
merus numerans, alter numerus numeratus.
Prior dicitur numerus materialis, cùm habet se
materialiter ad numerū, quod hæc vel hæc sint
numerata. Posterior dicitur numerus formalis, qui constituitur per
tot, & non plures in quacunque materia, ut insinuat sanctus Tho-
mas p. p. quæst. 27. art 7. in corp. Porro potest aliquis esse certus de
numero formalis, & incertus de materiali. Potest enim esse certus,
quot sint; incertus, qui sint. Sicut è converso potest quis esse certus
de numero materiali, & incertus de formalis; cùm possit quis esse
certus qui sint, v.g. in hoc confessu; incertus quot sint, ante nume-
rationem. His terminis explicatis,

Dico primò. Certus est in intellectu divino numerus materialis prædestinatorum & reproborum. Videtur contra Massilienses; qui, ut refert Hilarius in epist. ad Augustinum, *Si sic prædestinati sunt, inquiunt, ad utramque partem, ut de aliis ad alios nullus possit accedere, quòd pertinet tanta extrinsecus instantia correctionis;* Est tamen de fide, Ioan. 10. *Bonus Pastor proprias oves vocat nominatim.* Et infra: *Ego cognosco eas, &c.* Quæ explicans Augustinus tract. 45. in Ioan.

Numerus
duplex, ma-
terialis &
formalis.

Certus est
numerus ma-
terialis præ-
destinatorū,
& rep:obo-
rum.
Hilarius.
Ioan. 10.
August.

2 De numero prædestin. & reprob.

Quis, inquit, alias vocat oues nominatim, nisi qui nouit nomina prædestinatorum? Vnde ait, Gaudete quia nomina vestra scripta sunt in celis. Præterea 2. Tim. 2. cognovit Dominus, qui sunt eius. Ad quod alludens Augustinus tract. 12. in Ioan. Nouit, inquit: Dominus, qui sunt eius. Nouit, qui permaneant ad coronam; qui permaneant ad flammam. Nouit in area ista triticum, nonit & paleam. Nouit segetem, nouit & zizania.

*2. Tim. 1.
Augustinus.*

*Exod. 32.
Psal. 68.*

Vasquez

Augustinus.

*II.
Certus est
numerus
formalis
prædestina-
torum, & re-
probatorum.
Augustinus.*

Cath. rinus.

Contra hoc argui potest ex Exod. 32. *Dele me de libro, quem scripsi: & Psal. 68. Deleatur de libro viuentium.* Ergo in libro prædestinationis non sunt personæ ita certè & determinatè conscriptæ, ut non possint aboleri.

Respondeo primò cum Vasquez p. p q. 24. in exposit. a. num. 17. loqui Moysen de catalogo virorum illustrium, qui erant apud Iudeos, per quem intelligit librum viuentium Hilarius in eum Psalmum. Respondeo secundò cum Augustino q. 247 in Exodum, Moysen locutum esse ex quodam affectu salutis populi, ut Deo ita exhiberet impossibilem populi ruinam: sicut impossibile erat ipsum deleri de libro vitae. Quoad illud Davidis, *Deleantur, &c.* respondet idem Augustinus in eum Psalmum part. 2. *Non sic accipi debere, ut quempiam Deus scribat in libro vita, & deleat. Si enim homo dixit, Quod scripsi scripsi Deus non scribit, & delet. Sed deleri secundum spiritum ipsorum, quia ibi se scriptos putabant.*

Dico secundò. Certus est etiam intellectu diuino prædestinationis, & reprobatorum numerus formalis. Est etiam de fide, quia posita infinitate diuinæ scientiæ, hoc ipso quod cognoscit Deus, qui sint, cognovit etiam quod sint. Quamobrem Augustinus tract. 48. in Ioan. Securus, inquit, est de numero eorum; qui pro iis nouit, quod dedit.

Dico tertio. Certus est apud Deum numerus prædestinationis & reprobatorum ex vi decreti prædestinationis ante præuisa absolute merita vel demerita. Est contra Catharinum lib. 1. de prædestin. cap. vlt. vbi docet certum esse c. vi prædestinationis numerum prædestinationis non esse certum numerum saluandorum; cum ipse existimet aliquos prædestinari ante præuisa merita, qui propriè prædestinati dicuntur; alios post præuisa, qui dicuntur saluandi, iuxta ea quæ retulimus tom. 2. Theolog. lib. 3. q. 5. Est etiam contra omnes eos qui ponunt prædestinationem post præuisa merita: apud quos non est certus hic numerus, nisi post præuisa vniuersi merita vel demerita.

Contra quos probatur ex fundamento opposito, Quia tum prædestinationis, tum reprobatio, prout dicit exclusionem à decreto salutis, sunt ante præuisa absolute merita, & demerita ut probatum est q. cit. Ergo tam numerus materialis quam formalis prædestinationis & reprobatorum certus est in intellectu diuino ante præuisa merita vel demerita.

Contra hoc argui potest ex Apoc. 3. *Tene quod habes; ne alius accipiat coronam tuam.* Ergo videtur esse incertus numerus materialis prædestinorum; cum unus subrogari possit loco alterius. Quamobrem Augustinus de correptione & gratia cap. 13. dicit *alium coronam hanc non esse accepturum, nisi iste perdiditerit.* Responderi potest juxta *Apocal 3.* varias hujus loci expositiones. Prima expositio est, quod loquatur secundum præsentem notitiam, nempe monendo ut unusquisque operetur salutem suam cum timore; & teneat quod haberet, ne amittat coronam suam, id est, quam ipse putat se habere. Videtur colligi ex Augustino loco citato, ubi haec verba explicans, *Quis, inquit, ex multitudine fidelium, quamdiu in hac mortalitate vivitur, in numero prædestinorum se esse presensat: quia id occultari posse est in loco, ubi cavenda est elatio.* Secunda expositio est sancti Thomæ in 1. part. *S.Thom.* q. 23. art. 6. ad 1. ubi dicit hoc non intelligi de corona ex prædestinatione divina, quam nullus amittit: sed de corona ex merito gratiae. *Quod enim meremur, quodammodo nostrum est, & sic suam coronam aliquis potest amittere per peccatum mortale sequens.* Tertia expositio esse potest, quod ex hoc loco colligatur certitudo numeri formalis comparata tanquam prior ad certitudinem numeri materialis. Ita ut, antequam decerneret hos & hos in particulari Deus, decreverit certum numerum prædestinorum, quantum judicavit esse convenientem corpori triumphantis Ecclesiæ, cuius Christus est caput. Quod explicari potest exemplo Principis, qui prius decernit tantum numerum Aulicorum, quantum se decere judicat: tum decernit hos & hos. Quo posito, monetur hoc loco Episcopus Philadelphiae, *ut teneat quod habet, ne alius accipiat, &c.* quia in potestate ejus erat in ordine executionis Dei prædestinationi cooperari; & sic tenere eum locum, in quo alius collocatus fuisset, nisi ipse cum sua cooperatione in co prædestinatus fuisset; posito numero prædestinorum, antecedenter ad omnia stabilito. Hec expositio colligitur aperte ex eodem Augustino loco citato, ubi in ea verba Matth. 3. *Potest Deus de lapidibus istis suscitare filios Abraham: ut offendat, inquit, sic istos esse amputandos, si non fecerint fructus, ut non desit ille numerus qui promissus est Abraham.* Tamen apertius in Apoc. dicitur, *Tene quod habes, ne alius accipiat coronam tuam.* Si enim alius accepturus non est, nisi iste perdiditerit, jam certus est numerus. Ergo supponit talen determinatum numerum fuisse decretum antecedenter ad hos, & hos; qui conflare debebant hunc numerum. Idem aperte colligitur ex Gregorio lib. 25. *Moralium cap. 8. ex Beda, Ansberto, & aliis in hunc locum.* Certus itaque est in intellectu divino prædestinorum & reproborum tam numerus formalis quam materialis. Sed prius decretus est numerus formalis, posterius numerus materialis. Ex hac autem certitudine sequitur infallibilitas salutis prædestinorum, & damnationis repro-

In prædesti-
natione in-
subrogatur
unus loco
alterius.

Apocal 3.

Augustin.

Augustin.

S.Thom.

Augustin.

Gregorius.

Beda.

Ansbertus.

4 De numero prædestin. & reprob.

Fulgentius.

borum. Ideo Fulgentius de fide ad Petrum cap. 3. s. Firmissime inquit, tene neque perire posse aliquem eorum, quus Deus prædestinavit: nec quemquam eorum, quos non prædestinavit ad vitam, posse ullaratione salvati. Hæc autem non intelligenda sunt secundum impossibilitatem absolutam; sed secundum impossibilitatem conditionatam, ut docet sanctus Thomas p.p.q.23.art.4.ad 3.& nos tom.2.l.3.q.5.

C A P V T I I.

Fundamenta affirmantium prædestinatorum numerum non excedi à numero reproborum.

III.
Angelorum
prædestina-
torum nu-
merus major
est numero
reprobato-
rum.

Apoc. 12.
Reproboru
hominum
major est
pars, infidel-
bus compu-
tatis.

Inter fideles
major pars
est prædesti-
natorum,
parvulis
computatis.

Rui.

Prædestina-
torum ex
adultis fide-
libus nume-
rum, majo-

I N hoc de more secerremus certa ab incertis. Certum videtur primò numerum Angelorum prædestinatorum majorem esse numero reprobatorum, quia eorum vel tertia pars cecidit, ut videtur significari Apocal. 12. vel certè minor pars, ut est communis sensus Doctorum. Certum est secundò majorem hominum partem esse reproborum, si computantur omnes etiam infideles, idque per omnes mundi ætates. Quandoquidem per sex annorum millia, & amplius, usque ad adventum Christi, paucissimi iisque ex solis Iudeis salvabantur. Et si nunc spectetur Ecclesia fidelium, extra quam non est salus, est minima hominum pars comparata ad multitudinem infidelium, nempe Mahometanorum, Ethnicorum, & hæreticorum quorum est certa damnatio. Tota igitur controversia reducitur ad fideles. Certum videtur tertio, majorem inter fideles esse numerum electorum, si computetur inter eosdem numerus infantium decedentium intra septennium, ante usum rationis. Qui, ut experientia colligitur ex parœciis, & notat Ruiz. disp. 44. sect. 1. num. 14. pœnè æqualis est numero morientium adultorum. Infantibus, si addas adultos, qui salvantur, jam numerus efficiet major numero eorum, qui inter fideles damnantur. Adde his infantes filios hæreticorum decedentes cum baptismo: qui etiam pertinent ad Ecclesiam fidelium, & sic additi infantibus filiis fidelium, & fidelibus adultis, qui salvantur, numerum efficiunt multò majorem numero adultorum fidelium, qui damnantur. Tota igitur controversia reducitur ad solos adultos fideles, an scilicet inter hos numerus prædestinatorum excedatur à numero reproborum.

Circa hoc est opinio affirmantium numerum prædestinatorum nō solum non excedi à numero reproborum, sed etiam illum excedere. Ita Sylvester in rosa aurea tract. 2. in Evang. Septuagesimæ. Carthagena discurs. 10. de prædestin. dub. pen. Granadus tomo 2. p. p. tract.